


Tumwunun opposun eppet



Meininis ekkewe opposun eppet ra ketiw mei tumwun.

Ewe pekin Food & Drug Administration (FDA) mei tichiki tumunun me eochun ir mei sotuni akomw me mwen repwe apungano aean ei opposun eppet.

Engon ngoroun aramas seni fonu ika ese nifinifin me ier ese nifinifin — pachenong chon Oregon — ir mei fiti ei pekin sosotun ei opos. Ekkei asosot mi fori pwe ekkewe opposun eppet repwe tumwun fan me anisi tumwunun ekkewe tapin aramas seni sakopaten ier, seni sakopaten mwichen aramas me aramas seni sakopaten neni.



Millionun aramsen Merika ra fen angei ewe opposun eppet, iwe non tichikin sopwosopwonon angangen chekin aramas mei pwano an ese mwo wor tumwunun aramas.

Ika mei mecheres an epwe toruk semwen, ekkewe opposun eppetin COVID-19 mei tumwun me akkaewin auchea ngonuk. Ekkewe aramas ir mei wor ar semwen ren semwenin ngasangas, semwenin emmun, semwenin suke me ir mei nununo choun inisir ir repwe tongeni epwe torir semwen ren COVID-19. Aramas ir mei wor rer ekkei sokkun semwen ir mei fiti ewe angangen aososotun ekkewe opposun eppet.




Ekkei opposun eppet ese mwo wor ar repwe fori angangen kao ngeni won ekkewe mei pwopwo, nge sousinenap ir mei nukuw **pwe ese wor osukosukan ngeni ir me ruemon ewe inenap me ewe monukon**. Pwokiten mei pwopwo ir mei pwan nomw non tetenin mei watte ngenir semwen ren COVID-19 iwe pwan napengeni ar niuing non pioing, ewe **Centers ren Disease Control me Prevention (CDC) a opochokuna pwe opposun eppetin COVID-19 repwe pwan kawor ngeni mei pwopwo**.



Ekkewe opposun eppet rese mwo wor angangen kao ngeni ren ekkewe ir mei oupwu nour. Sousinenap re ekieki pwe ekkewe opposun eppet rese efeiengaw ngeni ekkewe monukon ir mei chiwen okkoupw, iwe ekkewe ir mei okkoupwu nour repwe finata pwe repwe angei ewe opposun eppet.

Ika mei wor omw kapas ais ren ewe opposun eppet, kokori noumw we dokter.

Imanen opposun eppet



Meinisin ekkewe opposun eppet ra ketiw ir mei watte imaner. Wewen ei:

- Ir mei fokkun murinno anganger ar repwe eppet sonuk omw kopwe semwen ren ika mano ren COVID-19.
- Ir ra fen pwarano ukukun pochokunen ar tumwun ne fiu ngeni ekkewe monun COVID-19.
- Chommongonon opposun eppet mei wor, ina pwan muttirinon ach sipwe oppos meinisin, chommongono manawen aramas sipwe tongeni tumwunuw.
- Ewe opposun eppet a murinno ngonuk iwe ewe ew a kawor nupwen fansoun a tori omw fansoun om kopwe angei.

Johnson & Johnson: Efoch oppos, mumuta ngeni aramas 18 ier me watte seni

Moderna: Rufoch oppos, 28 ran nefiner, mumuta ngeni aramas 18 ier me watte seni

Pfizer - BioNTech: Ruefoch oppos, 21 ran nefiner, mumuta ngeni aramas 12 ier me watte seni



Opposun COVID-19 me ekkewe kukun monukon re keran fis

Chon fori ekkewe opposun eppet ir mei fori pwe fan ekkoch ra aea ekkewe cell ren monukon re keran fis ar repwe asosot wor ika fori ar kewe opposun eppet.

Ewe cell ren monukon re keran fis me ewe monukon epwe keran fis. Ewe cell ren monukon me ewe cell ren ekkewe monukon rekeran fisita. Ekkewe cell ren an epwe epwe tongeni nounou ir mei pusin tongeni achomongareno pusin won ar. Chon fori ekkewe opposun eppet ir mei aea ruw cell ren monukon mei keran fis: ew cell seni ekkewe monukon re keran fis non 1972, iwe ra pwan angei meren ekkewe cell seni ekkewe monukon mei keran fis non 1985 nge ir mei katano.

Forun ekkewe opposun eppet mei anongonong won ekkei cell esepwan menei menafon chon repwe atai nour, pwokiten ekkewe cell ir mei pusin chok mamarino me non ekkewe laboratory.

Ese mwo wor cell ren monukon re keran fis repwe aea **ren forun** opposun eppet ren Pfizer-BioNTech ika Moderna.

Iwe nge, nepwoputan ar ra keran marino, ewe cell ren monukon mei keran chok fis mei wor aean non ewe angangen asosot ir mei fori pwe epwe fis.

Ewe cell ren monukon mei keran fis mei wor aean **ar repwe fori** ewe opposun eppet seni Johnson & Johnson, nge ewe opposun eppet nupwen an a wesino unusan iwe ese wor ewe cell seni ewe monukon mei keran chok fis non.